

ტრენინგ-კურსის დასახელება: „შეზღუდული შესაძლებლობის მქონე პირთა მხარდაჭერითი დასაქმება, ქოუჩინგი“

ტრენინგ-კურსის განმახორციელებელი ორგანიზაცია, ხელმძღვანელი: „ასოციაცია ანიკა“, ირინე ინასარიძე

ტრენინგ-პროგრამის ავტორი/ტრენერი: ნინო გორგაძე

ტრენინგ-კურსის მიზანი: მხარდაჭერითი დასაქმების კონსულტანტებისათვის შშმ პირთა მხარდაჭერითი დასაქმების (ქოუჩინგის) ძირითადი პრინციპების შესწავლა;

ტრენინგ-კურსის ამოცანები:

- სამიზნე ჯგუფისთვის შეზღუდული შესაძლებლობის მქონე პირთა გაცნობა;
- ეფექტური კომუნიკაციისა და ეტიკეტის ნორმების შესწავლა;
- მხარდაჭერითი დასაქმების მიდგომების გაცნობა და სამუშაო მეთოდოლოგიის მიწოდება;
- მხარდაჭერითი დასაქმების სპეციალისტის სამუშაო სპეციფიკის გაცნობა;
- სამუშაო მაძიებლის მომზადებისა და ინდივიდზე მორგებული პრაქტიკის მნიშვნელობის გააზრება;
- დამსაქმებელთან მჭიდრო მუშაობა და კორპორაციული სოციალური პასუხისმგებლობის ცნება;
- პრაქტიკული მაგალითებისა და გამოცდილების გაზიარება.

ტრენინგ-კურსის სამიზნე ჯგუფი:

მხარდაჭერითი დასაქმების კონსულტანტები (ჯობ ქოუჩები) და თემით დაინტერესებული სხვა პირები

ტრენინგ-კურსის ხანგრძლივობა:

6 დღე, დღეში - 5-6 სამუშაო საათი

დღე პირველი

დრო	თემა	მეთოდი	აქტივობის აღწერა	საჭირო რესურსი
90 წთ	მისალმება; ჯგუფის გაცნობა; მოლოდინების განსაზღვრა; კურსის წარდგენა და ჯგუფის წესებზე შეთანხმება;	პრაქტიკული სავარჯიშო; დავალება	„ასოციაცია ანიკას“ ხელმძღვანელი ესალმება ტრენინგის მონაწილეებს, აცნობს ორგანიზაციას და კურსის მიზნებს, წარადგენს ტრენინგებს. მისალმების შემდეგ, ტრენერი სთავაზობს სავარჯიშოს მონაწილეებს გასაცნობად. აქტივობის დასრულებისას, მონაწილეები წერენ ბარათებზე საკუთარ მოლოდინებს კურსთან დაკავშირებით, ტრენერი აძლევს უკუკავშირის და წარადგენს კურსზე განსახილველ თემებს. მონაწილეები ერთად შეიმუშავენ ჯგუფის ძირითად წესებს.	ტრენინგ-კურსის გეგმა; ფლიპჩარტი; ფერადი ფურცლები; მარკერები; კალმები; მაკრატელი; ორმაგი სკოჩი/წებოვანი საღებო რეზინი; ლეპტოპი; პროექტორი
90 წთ	ვინ არის შეზღუდული შესაძლებლობის მქონე პირი?	პრეზენტაცია	ტრენერი აცნობს მონაწილეებს შშმ პირს და შეზღუდვის კატეგორიებს, წარუდგენს ჯგუფს ძირითად ცნებებსა და განსაზღვრებებს კანონმდებლობიდან. ასევე ტრენერი განიხილავს შეზღუდული შესაძლებლობის შეფასების სამედიცინო და სოციალურ მოდელებს და ამ მიდგომებზე დაფუძნებულ დამოკიდებულებებს სხვადასხვა ქვეყნის მაგალითზე.	ლეპტოპი; პროექტორი;
60 წთ	სტიგმა და შშმ პირების დისკრიმინაცია;	მინი ლექცია & დისკუსია	ტრენერი საუბრობს იმ სტერეოტიპებისა და სტიგმის შესახებ, რაც საქართველოში ასრებობს შეზღუდული შესაძლებლობის მქონე პირთა მიმართ. აქცენტს აკეთებს თუ რა გავლენას ახდენს დისკრიმინაცია შშმ პირებზე და როგორი დამოკიდებულება აქვს საზოგადოებას. მონაწილეებს აცნობს უფლებებზე დაფუძნებულ მიდგომებს.	ლეპტოპი; პროექტორი;
90 წთ	თვითრეალიზაციისა და შრომის უფლება შშმ პირებისთვის; შეჯამება	პრეზენტაცია	ტრენერი განიხილავს თვითრეალიზაციის მნიშვნელობას, როგორც ადამიანის უპირატეს მოთხოვნილებას („მასლოუს პირამიდა“), აცნობს შრომის უფლებას სამართლებრივ ჭრილში (საქართველოს კონსტიტუცია, გაეროს შშმ პირთა კონვენცია...) ტრენერი აჯამებს დღის განმავლობაში განხილულ თემებს და წარადგენს მომდევნო დღის გეგმას.	ლეპტოპი; პროექტორი;

დღე მეორე

დრო	თემა	მეთოდი	აქტივობის აღწერა	საჭირო რესურსი
90 წთ	წინა დღის მიმოხილვა; ეფექტური კომუნიკაცია	პრეზენტაცია; ჯგუფური სავარჯიშო	ტრენერი განიხილავს წინა დღის თემებს და წარადგენს დღის გეგმას. ტრენერი საუბრობს კომუნიკაციის რაობასა და ეფექტური კომუნიკაციის მნიშვნელობაზე. საკითხის გასათავისებლად, მონაწილეებს აძლევს ჯგუფურ სამუშაოს.	ლექტორი; პროექტორი;
90 წთ	ეთიკა და ეტიკეტი შეზღუდული შესაძლებლობების მქონე პირებთან მუშაობისას	პრეზენტაცია; ქეისების განხილვა & დისკუსია;	ტრენერი მონაწილეებს აცნობს შშმ პირებთან მოქცევის (და კომუნიკაციის) ეტიკეტს. ტრენერი მონაწილეებს ურიგებს სხვადასხვა ქეისის ეთიკური დილემების შესახებ. მათ უნდა იმსჯელონ რამდენად მართებული გადაწყვეტილებები იქნა მიღებული ქეისების მიხედვით. სავარჯიშოს დასრულებისას, ტრენერი აცნობს მონაწილეებს იმ ძირითად ცნებებსა და ღირებულებებს, რომლებიც კრიტიკულად მნიშვნელოვანია შშმ პირებთან მუშაობის პროცესში.	ლექტორი; პროექტორი; ქეისები;
45 წთ	რა არის შეზღუდული შესაძლებლობის მქონე პირთა მხარდაჭერითი დასაქმება?	პრეზენტაცია	ტრენერი საუბრობს შშმ პირებთა მხარდაჭერითი დასაქმების რაობასა და ისტორიის შესახებ. იგი მონაწილეებს აცნობს მხარდაჭერითი დასაქმების ევროპულ „ხუთ-საფეხურიან“ მოდელს.	ლექტორი; პროექტორი;
45 წთ	შშმ პირთა მხარდაჭერითი დასაქმების მოდელი საქართველოში		ტრენერი მონაწილეებს აცნობს „ასოციაცია ანიკას“ შშმ პირთა მხარდაჭერითი დასაქმების მოდელს, რომელიც ევროპული მოდელის მოდიფიცირების შემდეგ დაინერგა და წარმატებით მუშაობს.	ლექტორი; პროექტორი;
90 წთ	ვინ არის მხარდაჭერითი დასაქმების კონსულტანტი? (ჯობ ქოუჩი)	პრეზენტაცია & გონებრივი იერიში	ტრენერი საუბრობს მხარდაჭერითი დასაქმების კონსულტანტის რაობაზე. კონსულტანტის როლის გასააზრებლად, ტრენერი მონაწილეებს სთავაზობს სავარჯიშოს, სადაც მათ უნდა იმსჯელონ, თუ რა ცონდა, უნარები და მოვალეობები უნდა ჰქონდეს კონსულტანტს მუშაობის სხვადასხვა ეტაპზე. აქტივობის შემდეგ, ტრენერი შეაჯამებს კონსულტანტის ძირითად ფუნქცია-მოვალეობებს.	ლექტორი; პროექტორი; ფლიპჩარტი; მარკერები; კალმები;
	შეჯამება		ტრენერი აჯამებს დღის განმავლობაში განხილულ თემებს და წარადგენს მომდევნო დღის გეგმას.	

დღე მესამე

დრო	თემა	მეთოდი	აქტივობის აღწერა	საჭირო რესურსი
90 წთ	წინა დღის მიმოხილვა მომართვა & პირველადი ინტერვიუ სამუშაო მაძიებლთან (1)	პრეზენტაცია	ტრენერი განიხილავს წინა დღის თემებს და წარადგენს დღის გეგმას. ტრენერი მიმოხილავს მხარდაჭერითი დასაქმების საფეხურებს დეტალურად. აცნობს მომართვისა და პირველადი ინტერვიუს ძირითად პრინციპებს და სამუშაო დოკუმენტს. სთავაზობს მაგალითის სახით სხვადასხვა სამუშაო მაძიებლის პირველადი ინტერვიუს ფორმას.	ლექტორი; პროექტორი;
90 წთ	პირველადი ინტერვიუ სამუშაო მაძიებლთან (2)	სამუშაო წყვილებში & დისკუსია	ტრენერი ურიგებს პირველადი ინტერვიუს ფორმებს მონაწილეებს და სთხოვს წყვილებში გაითამაშონ ინტერვიუ დოკუმენტის გასათავისებლად. მონაწილეები განიხილავენ დავალებას, ტრენერი აძლევს უკუკავშირს.	პირველადი ინტერვიუს ფორმები;
60 წთ	სამუშაო მაძიებლის პროფესიული პროფილი (1);	პრეზენტაცია	ტრენერი მონაწილეებს აცნობს პროფესიული პროფილის არსს და სამუშაო დოკუმენტებს.	ლექტორი; პროექტორი;
120 წთ	სამუშაო მაძიებლის პროფესიული პროფილი (2) შეჯამება	წყვილებში სამუშაო	ტრენერი მონაწილეებს ურიგებს პროფესიული პროფილის დოკუმენტს და სთხოვს წყვილში ერთმანეთზე შეავსონ, მომდევნო დღეს კი წარადგინონ სამუშაო პრეზენტაციის სახით.	პროფესიული პროფილის დოკუმენტები; კალმები; ფლიპჩარტები; მარკერები.

დღე მეოთხე

დრო	თემა	მეთოდი	აქტივობის აღწერა	საჭირო რესურსი
120 წთ	წინა დღის მიმოხილვა სამუშაო მადიებლის პროფესიული პროფილი (3)	პრეზენტაცია & დისკუსია	ტრენერი განიხილავს წინა დღის თემებს და წარადგენს დღის გეგმას. მონაწილეები წარადგენენ დავალებას პრეზენტაციის სახით, შემდგომ განიხილავენ თუ რა სირთულეები შეექმნათ მუშაობის პროცესში. ტრენერი აძლევს უკუკავშირს.	ფლიპჩარტი; მარკერები; ლეპტოპი; კალმები.
60 წთ	სამუშაო დოკუმენტების შეფასება	დისკუსია & გონებრივი იერიში	ტრენერი სთხოვს მონაწილეებს შეაფასონ რამდენად პრაქტიკულია პირველადი ინტერვიუს და პროფესიული პროფილის ფორმები. სთავაზობს შეიმუშავონ ერთად ალტერნატიული ფორმა.	ფლიპჩარტი; მარკერები; კალმები; ორმაგი სკოჩი;
90 წთ	პროფესიული ორიენტაცია; ინტერესებისა და უნარების კითხვარი	პრეზენტაცია & წყვილში სამუშაო	ტრენერი აცნობს მონაწილეებს პროფესიული ორიენტაციის არსს. ასევე აცნობს ჰოლანდის თვითსაკვლევ კითხვარსა და უნარებისა და ინტერესების კითხვარს. ტრენერი სთხოვს მონაწილეებს კითხვარები შეავსონ წყვილში. აქტივობის შემდეგ, განიხილავენ რამდენად ეფექტურია მათი გამოყენება და რა გზები არსებობს სამუშაო მადიებლის პროფესიული ორიენტაციისთვის.	ლეპტოპი; პროექტორი; კითხვარები; კალმები
90 წთ	სამუშაო მადიებლის მომზადება	პრეზენტაცია	ტრენერი მონაწილეებს ესაუბრება სამუშაო მადიებლის მომზადებასა და კარიერული უნარ-ჩვევების განვითარების მნიშვნელობის შესახებ. იგი მონაწილეებს აცნობს „იმიტირებულ გასაუბრებას“ (ე.წ. „mock interview“), როგორც სამუშაო მადიებლის მომზადების ეფექტურ ინსტრუმენტს, ასევე განიხილავს დასაქმების ფორუმის მნიშვნელობას.	ლეპტოპი; პროექტორი;
	დღის შეჯამება	სავარჯიშო	დღის ბოლოს ტრენერი აჯამებს თემებს და განიხილავს მომდევნო დღის გეგმას.	

დღე მუხუთე

დრო	თემა	მეთოდი	აქტივობის აღწერა	საჭირო რესურსი
60 წთ	წინა დღის მიმოხილვა	დისკუსია	ტრენერი მიმოხილავს წინა დღეს და წარადგენს დღის გეგმას. ტრენერი აცნობს მონაწილეებს წინა დღეს მათ მიერ შემუშავებული ალტერნატიულ დოკუმენტს ელექტრონული სახით (შესაძლებელია ერთიანი ბაზის შექმნაც);	ლექტორი; პროექტორი;
90 წთ	დამსაქმებელთან მუშაობა და სამუშაო ადგილის ანალიზი (1)	პრეზენტაცია & ჯგუფური სავარჯიშო	ტრენერი აცნობს მონაწილეებს დამსაქმებელთან მუშაობის სპეციფიკას. მნიშვნელოვანია ყურადღების გამახვილება სამუშაო გარემოს მომზადებაზე (იგულისხმება როგორც ფიზიკური გარემოს მორგება, ასევე საჭიროების შემთხვევაში, თანამშრომელთა მომზადება სამუშაო ადგილზე). ტრენერი განიხილავს მონაწილეებთან ერთად სამუშაო ანალიზის კითხვარს და სთავაზობს პრაქტიკულ სავარჯიშოს მის გამოსაყენებლად.	ლექტორი; პროექტორი; სამუშაო ანალიზის ფორმები;
30 წთ	დამსაქმებელთან მუშაობა და სამუშაო ადგილის ანალიზი (2)	დისკუსია	მონაწილეები წარადგენენ ჯგუფური სავარჯიშოს შედეგებს და მსჯელობენ რა სირთულეები შეექმნათ ფორმის შევსებისას.	ლექტორი; პროექტორი;
60 წთ	მონიტორინგი და მხარდაჭერა სამუშაო ადგილზე	პრეზენტაცია	ტრენერი მონაწილეებს აცნობს მხარდაჭერითი დასაქმების მოდელის ბოლო საფეხურს - მონიტორინგს. იგი მონაწილეებს ესაუბრება სამუშაო ადგილზე (როგორც სამუშაო მაძიებლის, ასევე დამსაქმებლის) მხარდაჭერისა და თითოეული ქეისის ბოლოს შედეგების შეფასების მნიშვნელობაზე.	ლექტორი; პროექტორი;
60 წთ	გამოცდილების გაზიარება (მოწვეული სტუმარი - დამსაქმებელი)	პრეზენტაცია; კითხვა-პასუხი	მოწვეული სტუმარი ისაუბრებს შშმ პირთა დასაქმების და ჯობ ქოუჩებთან მუშაობის გამოცდილების შესახებ. ასევე განიხილავს პროცესში წარმოქმნილ გამოწვევებსა და წარმატებებს (შესაძლებელია დისტანციური ჩართვაც). მონაწილეებს ექნებათ კითხვების დასმის შესაძლებლობა.	ლექტორი; პროექტორი.
	დღის შეჯამება		ტრენერი აჯამებს თემებს, აცნობს მომავალი დღის გეგმას.	

დღე მუშაობა

დრო	თემა	მეთოდი	აქტივობის აღწერა	საჭირო რესურსი
90 წთ	წინა დღის მიმოხილვა	პრეზენტაცია;	ტრენერი მიმოხილავს წინა დღეს და წარადგენს დღის გეგმას.	ლექტორი; პროექტორი;
	როგორ მოვაგზავნოთ CV (რეზიუმე) და სამოტივაციო წერილი	ჯგუფური სამუშაო	ტრენერი (და/ან მოწვეული სტუმარი, HR სპეციალისტი) მონაწილეებს უზიარებს რჩევებს თუ როგორ აუწყონ ფეხი მუდმივად განვითარებად შრომის ბაზარს. მნიშვნელოვანია კონსულტანტები იცნობდნენ CV-ის და სამოტივაციო წერილის მომზადების ძირითად სტრუქტურას, რომ შემდეგ თავად გაუზიარონ რჩევები სამუშაო მაძიებლებს.	ფლიპჩარტი; მარკერები; თაბაქის ფურცლები; კალმები;
30 წთ	გამოცდილების გაზიარება (მოწვეული სტუმარი - დასაქმებული)	დისკუსია	მოწვეული სტუმარი ისაუბრებს საკუთარი გამოცდილების შესახებ. როგორ დაიწყო სამუშაოს ძიება, რა ეტაპები გაიარა და რა სირთულეებს წააწყდა მუშაობის პროცესში, განიხილავს ჯობიერების ჩართულობასა და მნიშვნელობას.	ლექტორი; პროექტორი;
60 წთ	კორპორაციული სოციალური პასუხისმგებლობა და შუამდგომლობა (მოწვეული სტუმარი)	ლექცია; კითხვა-პასუხი	კორპორაციული სოციალური პასუხისმგებლობის ცნება ახალია საქართველოში. დამსაქმებელთან მუდმივი თანამშრომლობის პროცესში, მნიშვნელოვანია კონსულტანტს ჰქონდეს საბაზო ცოდნა აღნიშნულ საკითხთან დაკავშირებით. მოწვეული სტუმარი ისაუბრებს კორპორაციული სოციალური პასუხისმგებლობის შესახებ და განიხილავს სიტუაციას ამ კუთხით საქართველოში.	ლექტორი; პროექტორი;
60 წთ	ტრენინგ-კურსის შეჯამება	პოსტ-ტესტი	ტრენერები აჯამებენ მთლიან კურსს და შესაფასებლად ურიგებენ მონაწილეებს კითხვარებს. მონაწილეები უზიარებენ საკუთარ უკუკავშირს კურსთან დაკავშირებით და ემშვიდობებიან ერთმანეთს.	კითხვარები; კალმები;